



威海志 第一之三

漢書門			
九	一	〇	〇
一	〇	〇	〇
四	三	四	〇
册	架	函	號

内閣文庫			
九	一	〇	〇
一	〇	〇	〇
四	三	四	〇
册	架	函	號

内閣文庫	
番號漢	9100
冊數	4 (1)
函號	292118

292-118

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak



乾隆丁酉季鑄

舊威海衛志

刻威海衛志序

淺草文庫



威海為衛肇自前明洪武之三十二年
其地瀕海堧距寧海州百二十里距文登
縣亦不下百里仙阜巨其南古陌踞其北
劉公之島屹然而東峙驚浪雷奔舳舻
駢集千里不見踪跡一旦海氛竊發非衛
兩將弁飛督屯軍執兵防禦其害有不
可勝言者我



朝承平百餘年

聖天子煦嫗覆育手拊口吹薄海內外含生負
氣之類莫不回首面內詠仁蹈德輕塵不
飛雖天吳罔象之屬亦罔不効順於是重
臣按視東陲以隸縣請於

朝而威海衛遂廢所以示


聖朝之無外在德不在威也然衛自始置至今
四百年所疆域建置之舊學校典禮之興

人物文章之盛以至於海防之略守禦之
規皆卓然為一方掌故同里郭君文大懼
其湮沒迺踵畢氏舊志成書十卷嗚呼是
書不廢而衛亦賴以不墜余聞之禮入境
問禁入國問俗入門問滯又曰禮從宜使
從俗然則士君子訂風俗之書考地里之
志雖非扮榆舊社生長故邱猶將虛心採
訪度禮而誅事如四牡皇華之使臣皆是

也而况風謠歌舞各附其俗魁梧長者莫
非其舊而顧令其如薛鼓之亡弁髦之救
乎哉君子曰樂樂其所自生禮不忘其本
其郭君之謂矣志撰就於乾隆壬戌歲鄉
前輩中丞王公謀梓未果易忝在梓里嘉
郭君之志而終王公之謀為序其成書之
意而板行之

乾隆四十二年歲在丁酉夏四月通奉大夫江

南江寧等處承宣布政使司布政使加三
級紀錄二次里人陶易譔



舊威海衛志序

余爲諸生時見明經畢子衡南創立威海衛志
殫心考核稱桑梓文獻自畢子以後五十餘年
未經增修留心編續者久之奈生晚採訪難周
雍正癸卯成進士教習景山意京師距威海二
千里鄉人在長安者頗多足以從容諮訪纂成
一書以不沒畢子後數十年之事未幾作令新
陽三年調閩未及兩年

擢守汀郡調臺灣司漕務公事旁午此書竟置之高

閣矣丙辰游歷福藩州縣紛呈邑志見其事有
關係省志未載者請於督撫加意搜羅削繁補
漏彙爲通志鏤板以進頗無闕畧之憾而於威
海一志則又槎觸於中而不能已迨余撫閩時
威海衛缺奉裁初附新設之榮成縣繼又省入
文登縣雖因革無定當事者各有因時之見然
念威海地處海隅形勢險要山川秀麗實乃東
陲一奧區四百年來縉紳名流頗不乏人若無
成書傳後則他日威海旣不得以邑名志文登

修志又不能以威海僂入必沿革混淆不重可
惜哉是則前之修志猶可緩今之修志爲倍急
也修志之舉前此可以任之他人今不得不引
爲己責也正擬致書同里諸君子留心訪輯匡
我不逮適待罪

國門長子

兆鵬

來都省視挈郭子堯瞻重修威海

衛志一冊請質於余喜其綱舉目張洪纖畢舉
可與畢子衡南所作並垂不朽而余數十年以
來欲修而未及修之志亦可藉此稍慰因以鄙

見為參酌數條俟有力者付之剞劂具呈郡縣
附入文登志中庶不沒兩人前後之苦心云爾
乾隆七年歲次壬戌五月穀旦原任福建巡撫同里
王士任莘埜氏拜書於都門邸舍



重纂威海衛志序

歲乙巳余秉鐸威海偕諸生講學論文徧歷域
內名勝有郭子堯瞻者常一一為余告曰某嶺
某峯可供登眺某川某澤可供漁獵某墩某堡
所以防不虞某坊某碣所以表節烈某橋某林
麓所以通行旅而利樵蘇他如官衙傳舍以及
郊壇祠宇雖不無廢興之感其基址猶歷歷可
考余曰蕞爾彈丸風景如是數百年來獨無騷
壇碩彙為成書備輶軒之採者乎郭子曰是

衛之設原爲防禦倭寇專尚武功文事缺如也
我


朝定鼎菁莪棫樸之化不遺遐陬康熙十一年

特允閣臣之奏分命各省府州縣衛並修志書爾時
苦於創始兼乏剗剗之資協濟寧海合刊一書
掛漏殊甚明經畢子衡南家藏私乘一冊亦不
免缺畧先生留心掌故盍踵而纂訂之余嘉其
意諾其請緣視事未久風土未悉更以學宮榛
蕪堂廡傾頽方與二三同人謀所以補葺之者

此舉未遑也及八月郭子秋試未售余又有採
薪之憂相對鬱鬱乃謂郭子曰從前修志之說
此誠其時但我心緒亂不能相助爲理君專任
其事可乎郭子唯唯遂鍵戶增訂按畢子舊乘
刪繁補漏凡後數十年未經紀載者採諸紳士
訪之父老循例編次三越月而書成起於疆域
終于外志其間學校官守祠宇武備諸條目部
分縷晰瞭若指掌可謂繼畢子而集其成者嘻
以郭子之才而復志存文獻留意經濟若此則

他日讀書中秘珥筆著作之任微郭子其誰與歸哉是為序

雍正五年歲次丁未二月中浣穀旦齊河張介正海生氏書于衛學官署



重修威海衛志序

威海僻處海濱明初掌故寥寥宏治改元有纂修衛志之命邑人王君悅首創一編以備採擇
巡察海道副使趙公鶴齡更定正之迨明末兵燹之餘書復散失我

朝康熙壬子內閣大學士衛公周祚疏請纂志

勅下直省府州縣衛共舉其事邑侯朱公孚吉正採訪間會寧海州牧楊公引祚請合修一志以省梨棗之費朱公限於力迫於時遂許其請未免

缺畧有間邑明經畢子衡南憂之私纂衛志若干卷閱數年山陰李公標來守是邦欲自爲一志畢君遂錄稿以應然亦不克付梓也謹按威海衛界文登北鄙爲天末荒徼朝鮮日本琉球諸舶時乘迅風突至故前明設世襲官六十餘員兩操屯田捕倭城堡軍兵二千餘人復設陸前營馬步軍兵丁二千五百名

國初改設守備一員調防文登營馬步兵丁二百五十名巡哨坐鎮所以重海防備外警也後昇平

日久當事屢議裁併蓋未嘗親至其地躬閱形勢之故雍正丙午山東巡撫今相國海寧陳公世倌具奏邊衛重地應仍舊制民咸便之明年文大有纂修衛志之舉以邑志爲主而參以郡志州志缺者補之冗者芟之畧者詳之訛者正之詮次未幾河東總督王公士俊行部至郡授意守土裁併邊衛將成山衛改爲榮成縣以威海省入又因人戶以籍爲定將威海附于文登縣而茲衛遂廢夫威海旣裁似不可以志名然

疆域建置可裁而山川形勢不可裁也食貨可併而土宇版章不可併也學校典禮可省而文廟不可鞠為茂草也官守可汰而已往之甘棠不可翦伐也貢舉可歸縣治而歷朝之物望未旌之名流不可以湮沒也文大心有未愜因取丁未舊著再加纂輯其條例綱目一倣文登舊志以備他年芻蕘之獻告成後不敢自專乃郵寄都門就正於同里中丞王公咸一仁和候補京堂蔣公省齋亦叅訂焉蔣故文大師也數月

寄歸同里呂君荆石王君雪石呂君修齋陶君經初復加校定爰繕寫兩本存之家塾以見文大之惓惓於威海一志者蓋出于眾論之公而非一人之私也

乾隆七年歲次壬戌九月穀旦威海拔貢生郭文大堯瞻氏書於環麓堂中



威海衛志卷首

凡例

一邑舊志創自畢子衡南雖闕畧尚多然搜羅心
苦實權輿也文大於康熙壬子以後訪七十餘
年人物事蹟殫心增輯壬子以前雖間有更定
要以舊志爲主不忘所自

一人與事有互見於郡志州志及舊志者謹擇其
確者載之叅互考訂不株守一編以爲確據
一文登乙巳志部分并較勝前志至寺觀不與

正祀並列名賢不與鄉賢同稱析人物與貢舉
之後補世職於流官之前尤為得體故編中一
遵其例

一疆域志載山川古蹟雖係文登所屬實多本衛
墩堡斥埃故詳載之如軍馬嶺紫金道艾山黃
埠張村雙島與衛無涉一槩從刪

一食貨志賦役全書係雍正七年從布政司領出
七年以後事請之邑侯張公懋昭

一名宦鄉賢各為立傳科貢之學行著聞者標於

各姓名之下忠孝節義文學潛德另載事實凡

誥命祭文祠碑墓碣一槩不錄

一詩文必有關衛事者收之如事係一人一家酌
贈品題之作雖出自名筆載在前志者不敢並
存

一敘論多係丁未著定因綱目互異亦有新裁大
率照存衛時撰次惟食貨志論地方之積苦顛
當事之補救故統前後詳載識者鑒之

修志姓名

鑒定

賜進士出身通奉大夫原任福建巡撫邑人王士任

原修

歲貢生候選訓導邑人畢懋第

續修



拔貢生黃陂縣縣丞邑人郭文大

增訂

優貢生候選訓導邑人王兆鵬

威
 濤
 集

城
 圖



威海衛志目錄

卷首

凡例 圖形

卷之一

疆域志

星野 沿革 形勝 海運 延袤 山川

古蹟 塚墓 風俗 災祥 兵事

卷之二

建置志

城池 公署 都里 武備 坊表 橋梁

卷之三

學校志

學宮 社學 學田

卷之四

食貨志

丁徭 屯賦 起運 存留 鹽法 物產

卷之五

典禮志

祠祀 公儀 飲射 賓興

卷之六

官守志

職官 名宦 政績

卷之七

貢舉志

徵辟 甲科 鄉科 制貢 例貢 例仕

儒士 武科 武職 貤封 廕子

卷之八

人物志

鄉賢 忠臣 孝子 節義 文學 潛德

列女

卷之九

藝文志

記 跋 引 呈 序 議 申文 奏疏

記畧 詩 詞 歌 賦

卷之十

外志

流寓 寺廟 仙釋 怪異 叢譚

威海衛志卷之一

疆域志

敘曰自封建廢而郡縣分其間犬牙相制大小相錯無非慎固封守之意威海隣近倭寇海氛颺發實為寧海文登咽喉

國朝幅幘式廓不以偏偶而廢防守故沿革形勝山川古蹟與郡縣鼎峙記載不可不詳作疆域志
星野

登州府志附載文登入胃十五度屬畢宿天園

西數第十星紫微垣入穀下數第二星入胃十
 五度半愚按威海城隍而外俱隸文登則分野
 自當以文登為正而說者考漢書謂齊地虛危
 分野青萊登俱屬危以為入胃者蓋泥於晉天
 文志而不知其書之多謬也善哉賽慵齋先生
 之言曰天上一度不啻千里之懸從來分野者
 以名山大川為界豈一州一邑可各占一度而
 分之哉故余於威海分野第存而不論云

沿革前漢不夜縣地屬東萊郡北齊天保七年
 分牟平縣置文登縣歷今不改威海在其

境內自隋唐迄
 元沿革不贅叙

明洪武三十一年析文登縣辛汪都三里立威
 海衛永樂元年建城領左前後三所總部係山
 東都司兼轄屬寧海州

國朝初沿明制順治十二年裁左前二所歸併威海
 衛百尺崖後所係專城仍舊隸焉康熙四十一
 年後所亦歸併威海衛雍正三年山東都司缺
 裁改屬登州府十三年衛所亦裁

形勝

山厲土斥實瀕海堧隱然為東陲一阨塞學碑記

北古陌南仙阜龍蟠虎踞舊志

東面劉公島疏峯拱秀砥柱中流

劉公島北通朝鮮旅順東接日本琉球南望崇

明臺灣西達天津直沽軸艫相接間藏不軌惟

恃文武兼資可以與屯禦侮為東隅屏藩舊志

地環渤海壤接扶桑王瀛記

海運

元以海運供京師明初以海運餽遼東永樂十

三年會通河成海運始廢宏治間大學士邱濬

謂海運宜行詳見大學衍義補萬歷間侍郎王

宗沐謂以海運供燕都如以右手取物左腋下

其言尤為愷切四十六年海運復興劉公島三

官營廟前口俱為泊船之所避風守凍動至數

百艘行之二年利害參半仍專由漕運威海係

海運必由之路附載一二以備採擇

從成山過劉公島至之罘沙門二島放萊州大

洋抵界河口其道差為徑直節元史

轉過成山望正西行使前有雞鳴嶼內有浮礁
 一片可以避之往西有夫人嶼不可在內使船
 收到劉公島西小門也可進廟前拋泊劉公島
 開洋正北行使好風一日到之采島節海道
經元
 延袤
 威海衛東至海一里至劉公島水面十里南至
 文登縣九十里西至寧海州一百二十里北至
 海十里至登州府三百三十里至濟南府一千
 二百六十里至順天府二千二百里

百尺崖所北至威海四十里南至文登五十里
 東至榮成八十里西至寧海一百四十里

山川

柰古山

東枕大海延望無際城
踞半嶺實衛治主山也

古陌山

在衛北三里秀峯插天端方如屏嶺設
烽墩汛兵守之黃海岳詩註云六月可

以着綿
卽此

文筆峰

在衛南一里爲 文廟案山
國朝貢生夏士彥等建塔其土

金線頂

在衛東南二里守備李標善星家言謂
異地高聳若建塔其上科第綿遠時以

濬河功繁止修塔半
截尚有待於後人云

老鴉山 在衛西北三里天旱祈雨輒興黑雲如

改名喜雨頂

掛榜山 在衛西南三里層巒疊嶂參差隱見如列榜然

佛兒頂 在衛西南十里山最高圓如佛頂久旱之歲見雲生頂上輒致甘雨

裏口山 在衛西南十餘里董指揮別業在焉別見八角樓下

雕窩山 在衛東北六里孤峯特起人跡罕到惟鵬育雛其上崇正末年避兵燹者咸得

免患

松頂山 在衛東北十里鵬窩山之陰山上平廠可容數百人明末避兵者攜眷登之獲

全甚眾

劉公島 在衛東水面十里舊傳為海上劉氏別業明初魏國公徐輝祖徙島中居民近

郭嘉靖間海賊王憲武造房五十三座踞而有之御史藍玉督汛兵逐之丈耕其地萬歷末年知府陶朗先復招人開墾納稅兼設墩臺中峯之嶺官兵戍焉內有瓦殿貌劉公劉母祀之舟人經其地者必致祈禱焉

日島 在劉公島之南一撮如缶浮於中洋為衛治印星春夏常有海市見其上

黃島 在劉公島前稍北有青島黑島

石島 在衛西十里潮退可通行人

楮島 在衛西北隔岸三里

石頭河 在衛西南遶城而東環流入海即古石落村之石落河也水源自桃花嶺來涓

涓長流伏雨滂沱則大石浮出取之不盡

李公新開河 先年南濠之水直流東下康熙十年守備李標始議築壩挽水北

流四百丈有奇沿堤插柳以護蟻穴衛人德之勒李公堤碑後東門外河決守備費允倫重修

未幾復決四十八年標子炯任鰲山衛守備攝邑篆率衛人重修李太公堤碑是年秋水氾濫堤遂潰決雍正七年復從南濠入海

荷花池 在環翠樓東北往時荷花盛開趙副使登環翠樓詩山麓頻觀玉井蓮卽此

魏家灣 在衛西南隅相傳爲魏皇親水牛池年久淤塞邑人扛石斃井泉甘且潔

蒙泉 取山下出泉意也在環翠樓東南石窟中泉潔而甘大旱弗匱邑人咸取以釀號小

泉惠

湯泉 在衛東五十步泉熱如火近海鹵水來侵不便甃池至今潛移海中水熱猶如故

廟前海口 在衛東北三里海際山麓彎環曲抱善避颶風海運通行時糧艘兵船數

百艘雜泊其中

三官營海口 在衛東南三里海口參差如門古號石門劉島船出往往傍石門灣

泊明季設墩炮其上以備不虞

麻子港 在衛西北十里

石島港 在衛西十里以上二港俱隨潮消長每多魚利

古蹟

鯉堂 續夷堅志石落村劉氏嘗於海濱得百丈巨魚取骨爲樑構屋爲鯉堂堂前一槐蔭

蔽數畝忽夢女冠自稱麻姑乞此樹修廟劉漫許之後數日風雷大作昏昧如夜失槐所在跡之則已卧麻姑廟前矣

環翠樓 明宏治二年指揮王愷建於城西北角可觀海市及朝日大學士劉羽作記

國朝順治間守備于有光重建康熙四十七年傾圮乾隆元年復建

八角樓 在裏口山中董指揮建蘭若于此饒臺榭林木之勝雍正四年庠生董淵重修

望月臺 在環翠樓下

星石 在衛西北十二里水際石大如屋圓如瓜黑如漆萬歷初年漁父夜見隕聲如雷

裏山塔 裏口山頂有亂石堆塔數處俱孤峯峭壁人跡不到傳為仙靈所築

水龍窩 在衛西石島之陰懸崖峭壁其下有洞深廣高曠狀如城門海水侵其麓好事

者乘舟探入蜃氣騰騰上沸不敢久泊歲旱見洞生雲霧則雨

旱龍窩 在水龍窩西門穴如缶匍匐可入內容數十人一炬始燭百竅烟飛亦奇境也

塚墓

明

魏將軍墓 在衛北三里正統十一年葬世襲指揮使署山東按察使僉事魏忠之父

指揮使誥封奉國將軍舊傳為魏皇親別見官守志

畢公墓 在欽村獅子園賜葬福建興化叅將嘉靖二十六年征倭陣亡畢高

王孝子墓 在衛西南三里葬孝子王彥明

黃縣尹墓 在衛西半里磚砌四圍規制宏敞葬慶都殉難知縣崇祀名宦鄉賢黃承

宗

國朝

戚太守墓

在衛北二里葬淮安府知府崇祀鄉賢戚崇進

王中丞墓

在衛西南布穀村蓮峯頂下葬福建巡撫王士任

谷公墓

在軍馬嶺陣亡遊擊谷生琰賜葬

風俗

地僻山海尚質少文為士者廉潔有氣概

州志

人知教子士解通經化強梗為善良易青齋為

鄒魯

王悅賦

瘠土向義允稱仁厚

舊志

俗樸民淳士戒子衿女恥采蘭噩噩有先民遺

風

張介正序

冠禮

久廢

婚禮

憑媒寄簡間行保親禮擇吉備物送期至日夫往親迎三日廟見舅姑伯叔以次拜

謁夫

婦對拜婦家圓飯親戚餽贈九日對月歸寧

喪禮

初終易服親屬舉哀三日內入殮孝子守廬朝夕哭奠過四十九日始離苦塊葬用

椁

靈銘旌冥器之類預日筵題謝禮賓及待客執事之家過日酬謝三日圓墳仍行祭禮

焉

祭禮

歲薦時享務期豐潔士夫家用祭文

燕會

大賓行奠禮常會不行湯飯三晉肴用十二器果用十六碟

服食

俱從儉樸

元旦

備牲醴香楮花燭果品拜天地竈門祖先名曰發紙放炮竹次拜尊長捧觴為壽長幼依次續拜然後拜賀親隣名曰見節復春宴招客暢飲不拘時日

上元

以麪作盞蒸作燈邊捏月分按其乾濕卜旱澇即燈花占五穀豐歉食元宵樹松樓掛燈放爆竹烟火為樂又有裝演雜劇次日謁廟過橋名曰走百病

二月二日

早起煎糕助起蟄也又淨掃竈臺以除蟻患多焚息香以黜蠱物兒女戲

五采於背名曰小龍尾

寒食

有上墳土者即日祭奠

清明

具餼饌牲醴楮財象金赴先隴祭掃名曰上墳祭畢聚同族食餛飩餘名曰祊社又簪柳枝于鬢以順節氣

穀雨

硃砂書符禁蛇蝎

四月十五日

損太山行宮備旗纛高照傘扇鼓樂火炮雜劇赴寧海岳姑殿進香

名曰香社

端午

食角黍飲雄黃酒門懸蒲艾人簪艾葉兒女繫五色絲繩於臂以辟邪

六月六日

曬書籍衣物

七夕

婦女供牛女圖穿針乞巧又捉蜘蛛覆碗下天明以網多為獲巧

中元 祭祖先于家逢

中秋 祭俱有祊社 士夫家作月餅餽送庭院設酒果對月飲

來年雪

重陽 蒸麪糕釀菊花酒 士民相約登高

十月朔 祭墓如清明禮

冬至 祭祖先于家如中元禮弟子 拜業師如清明端午重陽儀

臘八日 以細米加棗栗等果實和肉塊煮糜食 之名曰臘八粥取兔血和蕎麥麩加雄

黃硃砂茶葉煮熟為塊 令幼兒食之能解痘症

二十三日 暮祀竈神名曰辭竈供品以糯米為 餅又薦小糖瓜元夜竈臺尋獲某穀

必多 種之

二十四日 掃舍宇日後凡有所為不擇憲書多 嫁娶謂之亂絲日按選擇書力闢其

非宜 慎之

除夕 易門神桃符春聯夜食棗栗蘿蔔馬齒莧 餛飩名曰守歲家長分帶歲錢與兒孫奴

婢

災祥

明

萬曆四十三年大旱 四十四年大饑指揮陶

繼祖煮粥賑濟全活甚眾

天啟六年閏六月大風拔木伐屋五穀推折無遺

崇正二年指揮王運隆重修明倫堂堂成樑柱鬪筍處生木靈芝一本狀如五色祥雲莖赤如丹色光如漆鮮明瑩潔精彩射人諸生結彩張樂以為文明之慶 十三年饑 十四年大饑人相食

國朝

康熙三年旱 四年大旱巡撫周有德具

題蠲免本年租糧 七年六月十七日地震 九年

年冬大雪平地丈餘行人死者無算屋內亦有凍死者 十年六月大水蠲免租銀十分之二

十八年七月二十八日地震 三十六年饑 四十二年春潦夏旱秋賊船入寇登州寧福

文登三營官兵屯聚物價騰貴 四十三年春大饑餓死者枕藉或燒死人食之夏秋瘟疫盛行民死幾半奉

詔連免三年田租 四十五年大有年 五十二年

詔免山東租 五十六年正月二十六日大雪極寒
繼以雨水行人有倒斃通衢者

雍正元年大有年 二年

詔連免三年田租各十分之三冬大雪 九年春饑

乾隆四年先旱後澇秋成歉薄 五年春

詔免關口糧稅關東糧艘不絕又開倉平糶民不為

災 六七等年春間俱有糧艘入口地方稱便

十七年大水次春饑甚巡撫阿

奏令商人赴奉天採買免其征糧艘銜尾而來寧

海文登榮成三邑賴以全活

兵事

明

永樂四年倭寇揚帆於劉公島聲言攻百尺崖
而卒擊威海幾無噍類掌印指揮扈^口督率世
職及春秋兩班操軍鄉城門夫壯丁力死堵截
三日後都督徐國公朱^口統兵援戰倭寇始息
六年始置登州備倭都司以節鎮沿海諸軍
正德六年三月劉六劉七等寇文登威城戒嚴

指揮劉平督理城操團練軍馬賊聞砲聲遠遁
嘉靖二十三年倭寇至自膠抵威海栲栳島洋
為風所阻泊岸依山嘴官軍不能前數日持刀

出官軍獲之

載府志文登志
作三十六年

嘉靖間海賊王憲五據劉公島造房五十三座

御史藍玉率汎兵逐之兼火其廬

事載府志總
督備倭題名

記

國朝

順治十八年秋棲霞于七倡亂遣常和尚等寇

文登威海掌印守備徐宏謨招集鄉勇八百餘
名部署千把總刻期操演捐俸犒諭居城頭六
月城賴以安

康熙四十二年七月初六日賊船四隻自東來
襲二商船商船泊教場頭賊船泊劉公島相持
二日初九日賊揚帆放砲商人急遽奔岸賊遂
攫貨物牽船於劉公島前焚之火光燭天衛守
備費允倫率城內居民嚴加守禦文登營副將
張陳武寧福營守備馬明禮登鎮總兵王文雄

領兵先後俱集民賴無恐副將張陳武欲調水師營船用火攻戰文雄不可運登州大砲擊之賊廼不敢近岸各將旋營留遊擊守備等官防守至八月中旬賊始颺去先是賊泊島前掠取一空脅島中愚民送偽牒赴城內僭稱建飛六年營將責其通賊械至省巡撫兩司原情宥釋島民德之

五十一年八月賊船擄劉公島張于馬三姓幼童三名十月十七日水師營遊擊滕國祥率舟師捕海賊陳尚義於鷄鳴島前賊船圍攻縱火國祥力戰死之鷄鳴島與劉公島相隔六十里衛守備韓公遠率汛兵居民晝夜巡城賊去始解嚴

威海衛城

明洪武三十一年立衛永樂元年建城磚石相間高三丈濶二丈週六里

一十八步動寧海文登夫役軍三民七修之門四樓舖二十池濶一丈五尺深八尺宏治二年

巡海道副使趙鶴齡疏動太山香錢數百金重修崇禎九年防院楊文岳同監視軍門下把牌

太監楊欽周從善請帑金二千餘兩並起附近文登縣匠役人夫軍三民七專委文登知縣韓

士俊協同本衛指揮陶運化重修國朝康熙中奉文隨便補葺頽城守備李標撥丁夫修之

雍正九年守備張懋昭重修四城門

百尺崖後所城

磚城週三百三十步高三丈濶二丈五尺南北二門樓舖六池

濶一丈五尺深九尺今俱湮圯

營城

在衛東北祭祀臺週二十一丈高一丈七尺五寸濶五尺五寸門一樓房三間營房

七間雍正五年登鎮總兵黃元驤題請六年守備張懋昭從寧海州支銀三百五十七兩建造現汛

兵防守

公署

衛治

在東街明指揮國朝守備衙署大堂三間東西武庫二間堂後正宅三間東西廂

各三間堂前廊房各五間牢役房各一間儀門三間角門各一間賓館三間土地祠一間大門

三間週八十丈崇正十年指揮董祚豐重建大門順治六年守備于有光重建大堂以後傾圯

歷官俱傲民居

經歷司

鎮撫司

左所廳

前所廳 以上俱附衛治久圯雍正十三年裁衛朱姓劉姓賄通吏胥用賤價領去公署

變為民田矣

後所廳 在百尺崖所城內久圯

儒學公署 舊在文廟東久廢後買丁姓民舍康熙十六年守備李標同教授賈瑄將

丁家巷廢址變賣正議興修賈旋告休十九年教授劉鼎新理前約益以合學募貲于明倫堂

西修草舍一區前後五進五十年教授崔玉汝復僦民居五十五年教授王瀛仍修官署

陰陽學 明設訓術一員 國朝裁

醫學 明設訓科一員 國朝裁康熙十六年守備李標捐俸創藥局施濟亦廢

巡檢司署 乾隆三十年巡檢唐拱儉因衛治故址建大門 間大堂 間書房

間住房 間廂房 間班房 間

把總署 無

豫積倉 在衛西北隅舊設倉官奉裁

後所倉 在所城內舊設倉官奉裁

社倉 在衛治東南康熙十六年守備李標創建衛人捐穀五百石雍正二年奉 旨勸捐

守備鄭承恩 建社倉二間

監穀倉 在關帝廟後雍正七年守備張懋昭領藩庫銀七百兩又捐銀三百六十三兩

五錢買監穀二千石八年領藩庫銀六十四兩又捐銀五十兩建倉五間貯監穀歉歲詳請平

糶民食
其利

講約所 在關帝廟內雍正間守備張懋昭每逢朔望宣講 聖諭廣訓

普濟堂 雍正十二年守備張懋昭奉文勸捐建草舍六間養濟鰥寡廢疾坐落東街

察院 在西門裏街北久廢

陽關亭 在衛西二里久廢

急遞舖 遞寧海日雙島日酒館日上庄係雍正四年巡撫陳新設遞文登日草廟子

日豆節頭 係舊設

演武廳 在衛東教場內今圯

漏澤園 在衛西門外奈古山麓地方數十畝今為居民侵佔殆盡

都里

在文登縣新汪都三里 漢日石落村元日清泉奔舊傳為箕子城

在城四集 初四十四二十四東街初九南街十九西街二十九日北街

在鄉一集 東倉集在衛東北二里明係軍營屯聚之所營裁集廢

武備

威海衛明設指揮二十員鎮撫二員左前二所

千戶十員百戶二十員京操春戍七百八十四

名秋戍五百八十四名捕倭軍登州營一百二

十六名文登營一百五十九名守城軍七十五

名種屯軍二百二十四名守墩軍二十四名守
堡軍一十四名百尺崖所明設千戶五員百戶
十員守城軍三十五名守墩軍一十八名守堡
軍六名

國朝順治二年威海衛改設守備一員左前二所改
設千總二員後所改設千總一員順治十二年
左前二所裁併入衛康熙四十一年後所亦裁
併入衛雍正十三年衛裁只設巡檢一員

明設陸前營馬步兵丁二百五十名調防文登

營馬步兵丁三百名

國朝調防文登營馬步兵丁二百五十名康熙十九
年新分寧海營汛地改屬調防寧海營馬步兵
丁一百五十名雍正五年現存寧福營外委把
總一員馬兵二名步兵三十名乾隆三十七年
登州鎮總兵竇瑣

奏請移駐經制把總一員調撥馬兵五名步兵二
十五名字識一名

雍正六年新設民壯三十名十三年改設弓兵

二十名威海衛屯十八處曰白露曰板橋曰赤

溝曰陡阜曰邑山

以上俱在文登境內

曰千金曰冶頭曰

瓦屋曰武計曰孤山曰夏村曰安子曰乳山

曰柳行曰康家埠曰孫英莊曰楊村曰浪煖

以上

俱在寧海境內近有分屬海陽者

威海衛明設武庫貯甲冑弓矢大小砲藤牌狼

筌旗鼓鎗刀各色軍器庫廢砲解弓矢甲冑物

化

國朝雍正五年現存弓箭六副鳥鎗十四桿紅夷砲

五口過山鳥三口小砲十五口腰刀三十二把

六年新設壯丁器械鳥鎗十二桿長鎗六桿弓

箭十二副

威海衛墩九座曰遙遙曰麻子曰斜山曰磨兒

山曰樵子埠曰陳家莊曰古陌頂曰廟後曰朱

家嶺

百尺崖所墩六座曰望天嶺曰蒲臺頂曰百尺

崖曰蒿里曰老姑頂曰曹家島

威海衛堡四座曰曹家莊曰豹虎曰峯山曰天

都

百尺崖所堡三座曰芝麻嶺曰竇家崖曰轉山

威海衛砲臺三座一在長嘴一在教場頭一在

祭祀臺

威海衛教場

在東門外有堂有將臺有壁壘崇正九年陸前營遊擊王修政重修

廢今

百尺崖所教場

久廢

坊表

武舉坊

為指揮李仁立
在衛南

三科武舉坊

為指揮王應卯
立北街

貞節坊

有三一為陳門趙氏
立東街一為苗門某氏
立一為生員侯臣妻孫氏
立俱

在北街

餓殉坊

為生員董攝元繼室都氏
立河東村以上俱

烈女坊

有二一為阮希朝妻張氏
立張村一為畢縉妻盧氏
立望島

苦節天褒坊

為貞婦生員陶申士妻
呂氏立

橋梁

駟馬橋

在南街舊傳方百戶修兩券
可通行人西連魏家灣東
出水門入海原名猪橋

雍正八年重修
更今名

楊家炕橋有二在衛南六里山水衝激旋修旋壞地方稱累今改官道於直東竹島村

李公橋守備李標挽河北流于東門外搭板橋利涉今廢

竹島橋

威海衛志卷三

學校志

敘曰相傳威海學始於嘉靖碑建自永樂考威海賦又云建自正統此無初建碑記及舊志不傳之過也閱明史徐琦列傳正統十四年從巡撫徐琦所請沿邊衛所各建學校始恍然於嘉靖碑記為傳聞之誤矣嗣後泮宮嚴正與州縣峙以故

國朝文人鵲起科第遠勝前明顧興修之功一在守

土一在紳士猶憶教授王公瀛募學宮疏顏曰
亦僧鉢所以諷且警者何遠以深也作學校志
學宮

衛學在衛治東正統初建嘉靖六年巡察海道
副使馮時雍重建萊陽進士趙文耀有碑記萬
歷八年指揮王心加重修天啟五年指揮李世
勲重建崇正二年指揮王運隆重建明倫堂指
揮陶運化重修戟門泮池櫺星門石坊順治間
重修康熙間創建崇聖祠守備朱孚吉創建名

宦鄉賢二祠教授王瀛改名宦祠草堂爲瓦屋
又守備張邁良監

御碑二座教授王謙志創建照壁守備韓公遠重修
西廡遍設兩廡木主樹柵欄于櫺星門外雍正
四年教授張介正重修明倫堂七年守備張懋
昭奉文鐫

聖訓碑一座監明倫堂乾隆二年邑人布政使王士
任捐俸銀二百兩重修大成殿改樑易柱桷拱
全易高起五尺肖像一新邑貢生郭文大有威

海學紀事詞乾隆四年五年闔學用學田租息
 增修兩廡各二間易竹笆以木板重整周圍墻
 垣八年用學田餘資重建崇聖祠其廟制中為
 大成殿東西為兩廡前為戟門及泮池池之南
 櫺星石坊在焉兩廡迤南左為名宦祠右為鄉
 賢祠殿後為明倫堂東為崇聖祠西為教授宅
 社學明設社師一人奉學道批以本衛儒童文
 行優者主之教小學生徒如萬歷間劉澤
 久天啟間郭躋瓊崇正間
 戚世振皆社師也今廢
 廣翁社學教授張聯箕設於學
 署詳藝文志今廢

九容社學

邑致仕訓導戚景
 鯤設于廳事今廢

李公社學

在衛治西康熙十四年守備
 李標建延名宿為師今廢

韓公社學

在關帝廟康熙四十九年守備
 韓公遠奉文延師課童蒙今廢

學田

萬歷十三年巡撫李

清查官地共一十二

段積地七十畝四分一厘三毫送學收租提學

道置循環簿倒換稽察知府王批此地許

招人佃種不許生員領耕行學官吏秉公遵行

邑貢生吳宗魯有碑記天啟六年水衝沙壓報

道免租後退灘地門斗私耕未經詳報自康熙
 中年本學生員管理不均遂多侵蝕公議將學
 田送與庠師羅光嗣羅出錢若干重修文昌閣
 前城墻而贍士之典亡矣雍正十三年裁衛闔
 學生員呈請留學田以供修葺學使喀公爾欽
 及文登縣知縣王公維幹俱准照存案
 計開長濶四至照學田碑記

文廟並官宅基址四面射直長六十二步 濶
 三十八步 東至陶家園 南至大街 西至

姚百戶宅 北至水溝 姚百戶宅今為生員戚
 成允宅曾借址二三尺

作廂房基歲出租錢三百
 文帖存生員汪育芹處 學北凹地一段 東

西長九十步 濶折六十九步 東北二至馬
 路 南至皂角樹 西至柿子樹 凹地西一

段長折四十五步 濶折二十五步 東至皂
 角樹 南至小灣 西至王家園 北至凹地

東門外南濠地一段長二百六十五步 濶
 折十步 四至濠厓 東門外北濠地一段長

二百一十步 濶折八步半 四至濠厓 墀

濠地三段 一段長八十五步 濶折十六步

一段長四十步 濶折十五步 一段長

十步 濶折 步 以上三段俱四至

堰

西門外北濠地一段長五十七步 濶折十四

步 四至濠厓

廢倉地一段長四十六步 濶十七步 四至

墻

真武廟下地三段 一段長六十七步 濶八

步 一段長四十七步 濶折二十三步 一

段長折三十三步 濶折十五步 以上三段

俱四至堰

除 文廟基址外其地十二段積地其計七十

畝四分一厘三毫

論曰漢高祖過曲阜以太牢祀 孔子歷唐宋

元明俱有封諡然未有崇儒重道如我


朝之盛者

聖祖製碑文

或每新志

宋三學校

三聖題匾額輝煌日月千古為昭若社學若瞻田孰
非激揚士子廣厲德造之深心哉爰詳著於篇



文化乙亥

